



NH „IBER-LEPENC“ SH.A
D.D.

05-902 Dt. 21.03.2011
PRISHTINE - PRIŠTINA

NH IBER LEPENC SH.A.

~~DRAFT~~ RAPORTI I AUDITORIT TË PAVARUR DHE
PASQYRAT FINANCIARE PËR FUND VITIN 31 DHJETOR 2010

PËRMBAJTJA

	Faqe
Raporti i Auditorit të Pavarur	1
Pasqyra e pozicionit të ndërmarrjes	3
Pasqyra e të hyrave gjithëpërfshirëse	4
Pasqyra e ndryshimeve në ekuitet	5
Pasqyra e rrjedhës së parasë	6
Shënimet e pasqyrave financiare	7 - 20

Raporti i Auditorit të Pavarur

Bordit të Drejtorëve të NH Ibër Lepenc Sh.a.

Ne kemi kryer auditimin e pasqyrave financiare të bashkangjitura të NH Ibër Lepenc Sh.a. (në tekstin e mëtejshëm "Ndërmarrja"), të cilat përbëhen nga pasqyra e pozicionit të kompanisë më 31 Dhjetor 2010 dhe pasqyra e të hyrave gjithëpërfshirëse, pasqyra e ndryshimit në ekuitet dhe pasqyra e rrjedhës së parasë për fund vitin me atë datë, dhe një përmbledhje të politikave të rëndësishme të kontabilitetit dhe shënimeve të tjera shpjeguese.

Përgjegjësia e Menaxhmentit për Pasqyrat Financiare

Menaxhmenti është përgjegjës për përgatitjen dhe paraqitjen e drejtë të këtyre pasqyrave financiare në përputhje me Standardet Ndërkombëtare të Raportimit Financiar. Kjo përgjegjësi përfshinë: dizajnimin, zbatimin dhe mirëmbajtjen e kontroleve të brendshme relevante për përgatitjen dhe paraqitjen e drejtë të pasqyrave financiare të cilat nuk përmbajnë deklarata materialisht të gabuara, qoftë për shkak të mashtrimeve apo gabimeve, duke zgjedhur dhe zbatuar politikën përkatëse të kontabilitetit, dhe duke bërë vlerësime kontabile të cilat janë të arsyeshme në ato rrethana.

Përgjegjësia e Auditorit

Përgjegjësia jonë është që të shprehim opinionin mbi këto pasqyra financiare duke u bazuar në auditimin tonë. Përveç çështjeve që janë diskutuar nga paragrafin më poshtë, ne kemi kryer auditimin tonë në përputhje me Standardet Ndërkombëtare të Auditimit. Këto standarde kërkojnë që ne të jemi në përputhje me kërkesat etike dhe të planifikojmë dhe kryejmë auditimin me qëllim të marrjes së sigurisë së arsyeshme se pasqyrat financiare nuk përmbajnë deklarime të gabuara që janë materiale.

Auditimi përfshin kryerjen e procedurave me qëllim të sigurimit të dëshmimeve të auditimit në lidhje me shumatat dhe shënimet në pasqyrat financiare. Procedurat e përzgjedhura varen nga gjykimi i auditorit, duke përfshirë edhe vlerësimin e rrezikut të deklarimeve të gabuara në pasqyrat financiare, qoftë për shkak të mashtrimit apo për shkak të gabimeve. Në kryerjen e këtyre vlerësimeve të rrezikut, auditori merr në shqyrtim kontrollin e brendshëm që është relevant në lidhje me përgatitjen dhe prezantimin e drejtë të pasqyrave financiare nga ana e entitetit me qëllim të dizajnit të procedurave të auditimit që janë të përshtatshme për ato rrethana, por jo për qëllim të shprehjes së opinionit mbi efektivitetin e kontrollit të brendshëm të entitetit. Auditimi po ashtu përfshinë vlerësimin e përshtatshmërisë së politikave të kontabilitetit që janë përdorur si dhe arsyeshmërinë e vlerësimeve kontabël që janë bërë nga ana e menaxhmentit, sikurse edhe vlerësimin e përgjithshëm të prezantimit të pasqyrave financiare.

Ne besojmë që dëshmitë e auditimit që ne i kemi grumbulluar janë të mjaftueshme dhe të përshtatshme për të ofruar një bazë për opinionin tonë të auditimit.

Bazat për Opinion të Kualifikuar

1. Siç është shpalosur në shënimin 7 të pasqyrave financiare shoqëruese, më 31 Dhjetor 2010 llogarit e arkëtueshme janë prezantuar në vlerë 1,865,048 EUR, Ndërmarrja nuk ka bërë njohjen dhe përlllogaritjen e provizioneve për dëmtimin e llogarive të arkëtueshme. Neve nuk jemi në gjendje me aplikimin e procedurave standarde dhe alternative, te verifikojmë ekzistencën dhe saktësinë e balancës më 31 Dhjetor 2010.

Opinionit i Kualifikuar

Sipas opinionit tonë, përveç efekteve të atyre korigjimeve, nëse do të kishte, siç mund të jenë përcaktuar të jenë të nevojshme nëse ne do të kishim qenë në gjendje të ishim të kënaqur në lidhje me çështjet që i referohemi në paragrafin më sipër, pasqyrat financiare të bashkangjitura paraqesin në mënyrë të drejtë, në të gjitha aspektet materiale, pozitën financiare të Ndërmarrjes më 31 Dhjetor 2010, si dhe performansën e saj financiare dhe rrjedhën e saj të parasë për fund vitin me atë datë në përputhje me Standardet Ndërkombëtare të Raportimit Financiar.

BDO Kosova L.L.C.

BDO Kosova L.L.C.
Prishtinë, Kosovë
15 Mars 2011


NH IBER LEPENC SH.A.

Pasqyra e pozicionit të kompanisë më 31 Dhjetor 2010


	Shënimet	Më 31 Dhjetor 2010 (EUR)	Më 31 Dhjetor 2009 (EUR)
ASETET			
Asetet Fikse			
Prona, Impiantet dhe Pajisjet tjera	4	144,294,405	147,723,274
Totali i Aseteve Fikse		<u>144,294,405</u>	<u>147,723,274</u>
Asetet Qarkulluese			
Paraja dhe ekuivalentët e parasë	5	1,785,355	2,778,482
Depozitat me afat investimet	6	1,025,000	25,000
Llogarit e arkëtueshme	7	1,865,048	1,295,154
Të arkëtueshmet tjera	8	49,509	54,221
Inventari	9	942,975	875,172
Totali i Aseteve Qarkulluese		<u>5,667,887</u>	<u>5,028,029</u>
TOTAL ASETET		<u>149,962,292</u>	<u>152,751,303</u>
EKUITETI DHE DETYRIMET			
Kapitali Aksionar dhe Ekuiteti			
Kapitali	10	25,000	25,000
Rezervat e rivlerësuar	11	162,419,111	162,419,111
Humbja e bartur		(13,318,199)	(10,984,416)
Totali i Kapitalit dhe Rezervat		<u>149,125,912</u>	<u>151,459,695</u>
Detyrimet Afatshkurta			
Llogaritë e pagueshme		199,418	96,694
Pagat e pagueshme		143,946	-
Detyrimet e tjera afatshkurtër	12	218,916	146,080
Të hyrat e shtyra	13	274,100	295,765
Total Detyrimet Afatshkurta		<u>836,380</u>	<u>538,539</u>
Detyrimet Afatgjata			
Huaja afatgjate	18	-	753,069
Total Detyrimet Afatgjata		<u>-</u>	<u>753,069</u>
Total Detyrimet		<u>836,380</u>	<u>1,291,608</u>
TOTAL DETYRIMET DHE EKUITETI		<u>149,962,292</u>	<u>152,751,303</u>

Autorizuar për botim nga ana e bordit të drejtorëve më 15 Mars 2011

Ztr. Hajdar Beqa


Kryeshef Ekzekutiv

Ztr. Sheremet Smakolli


Zyrtar Kryesor Financiar

Shënimet e bashkangjitura prej 1 deri në 22 janë pjesë integrale e këtyre pasqyrave financiare.

	Shënimet	Fund vitin 31 Dhjetor 2010 (EUR)	Fund vitin 31 Dhjetor 2009 (EUR)
Të hyrat nga veprimtaria	14	4,451,198	3,379,084
Të hyrat nga donacionet	15	21,560	32,844
Të hyrat tjera		727	20,126
		<u>4,473,485</u>	<u>3,432,054</u>
Shpenzimet Operative			
Shpenzimet e amortizimit	4	(4,515,121)	(4,482,743)
Shpenzimet e personelit	16	(2,462,113)	(2,090,434)
Shpenzimet tjera operative	17	(491,372)	(355,436)
Total shpenzimet operative		<u>(7,468,606)</u>	<u>(6,928,613)</u>
		<u>(2,995,121)</u>	<u>(3,496,559)</u>
Humbja Operative			
Të hyrat nga shlyerja e huas	18	753,069	-
Të hyrat nga interesi në depozita	6	152,226	131,117
Shpenzimet tjera	19	(243,957)	(178,865)
Humbja para tatimit		<u>(2,333,783)</u>	<u>(3,544,307)</u>
		-	-
Tatimi në fitim		<u>(2,333,783)</u>	<u>(3,544,307)</u>
Humbja e vitit			
		-	-
Të hyrat tjera gjithëpërfshirëse		-	-
Total Humbja Gjithëpërfshirëse		<u>(2,333,783)</u>	<u>(3,544,307)</u>

Shënimet e bashkangjitura prej 1 deri në 22 janë pjesë integrale e këtyre pasqyrave financiare.

	Kapitali Aksionar (EUR)	Rezervat e Rivlerësuara (EUR)	Humbja Bartur (EUR)	Totali (EUR)
Bilanci më 1 Janar 2009	25,000	162,419,111	(7,440,109)	155,004,002
Humbja e vitit			(3,544,307)	(3,544,307)
Të hyrat tjera gjithëpërfshirëse	-	-	-	-
Bilanci më 31 Dhjetor 2009	25,000	162,419,111	(10,984,416)	151,459,695
Bilanci më 1 Janar 2010	25,000	162,419,111	(10,984,416)	151,459,695
Humbja e vitit			(2,333,783)	(2,333,783)
Të hyrat tjera gjithëpërfshirëse	-	-	-	-
Bilanci më 31 Dhjetor 2010	25,000	162,419,111	(13,318,199)	149,125,912

Shënimet e bashkangjitura prej 1 deri në 22 janë pjesë integrale e këtyre pasqyrave financiare.

	Shënim	Fund vitin 31 Dhjetor 2010 (në EUR)	Fund vitin 31 Dhjetor 2009 (në EUR)
Rrjedha e parasë nga aktivitetet operative			
Humbja para tatimit		(2,333,783)	(3,544,307)
Korrigjimet për:			
Amortizim	4	4,515,121	4,482,743
Humbja nga çregjistrimi i asteve fikse		1,752	27,885
Efekti i korrigjimeve të humbjes 2008 në 2009		-	(116,403)
Fitimi para ndryshimit në asetet dhe obligimet operative		2,183,090	849,918
(Rritja)/zvogëlimi në llogarit e arkëtueshme		(569,894)	547,315
Rritja në stoqet		(67,803)	(101,720)
Zvogëlimi/(rritja) e të arkëtueshmeve tjera		4,712	(52,833)
Rritja/(zvogëlimi) në llogarit e pagueshme		319,506	(107,734)
Zvogëlimi në të hyrat e shtyra		(21,665)	(32,949)
Paraja e gjeneruar në aktivitetet operative		1,847,946	1,101,997
Rrjedha e parasë nga aktivitetet investive			
Blerja e aseteve fikse	4	(1,088,004)	(1,225,401)
Rritja në depozitat afatgjata në bankare		(1,000,000)	-
Paraja e përdorur nga aktivitetet investive		(2,088,004)	(1,225,401)
Rrjedha e parasë nga aktivitetet financuese			
Zvogëlimi i huave afatgjata	16	(753,069)	-
Paraja e përdorur nga aktivitetet financuese		(753,069)	-
Neto rritja e parasë dhe ekuivalentëve të parasë		(993,127)	(123,404)
Paraja dhe ekuivalentët e parasë në fillim të vitit		2,778,482	2,901,886
Paraja dhe ekuivalentët e parasë në fund të vitit	5	1,785,355	2,778,482

Shënimet e bashkangjitura prej 1 deri në 22 janë pjesë integrale e këtyre pasqyrave financiare.

1. TË PËRGJITHSHME

NH Ibër Lepenc Sh.a. ("Ndërmarrja") është shoqëri aksionare e inkuorporuar në Kosovë dhe e regjistruar sipas Regjistrimit të Bizneseve me numër regjistrimi 70465157 me datë 31 Dhjetor 2007. Adresa e zyrës së saj kryesore të regjistruar është: Sheshi "Bill Klinton" Nr. 13, Prishtinë, Kosovë.

Ndërmarrja është konsistuar në vitin 1986 si Ndërmarrje Shoqërore me qëllim të operimit dhe mirëmbajtjes të infrastrukturës së sistemit shumë funksional për furnizim me ujë. Më vonë është transformuar në Ndërmarrje Publike nga Misioni i UNMIK-ut. Në vitin 2007 me përfundimin e korporatizimit ndërmarrja ka marrë statusin e shoqërisë aksionare dhe është kategorizuar si ndërmarrje publike qendrore.

Ndërmarrja NH Ibër Lepenc Sh.a. në përputhje me ligjin numër 03/L-087 mbi Ligjin mbi Ndërmarrjet Publike dhe Ligjit Nr. 02/L-123 për Shoqëritë Tregtare, ka marrë statusin e shoqërisë aksionare dhe është kategorizuar si ndërmarrje publike qendrore, aksionar i vetëm i së cilës është Qeveria e Republikës së Kosovës. Kapitali fillestar i regjistruar i ndërmarrjes kap shumën prej 25 mijë euro.

Aseti kryesor i ndërmarrjes është Diga në Ujman e cila mundëson akumulimin e ujit i cili përdoret për prodhimin e energjisë elektrike, furnizimin e industrisë me ujë të papërpunuar për ftohje për KEK - Termocentralet "Kosova A" dhe "Kosova B" si dhe Ferronikeli, ujësjellësit regional në Mitrovicë dhe Prishtinë dhe furnizimin e kooperantëve të bujqësisë me ujë për ujitje.

Akumulimi në digën e Ujmanit ka kapacitet prej 375 milion m³ ujë. Fillimisht uji nga diga përdoret për prodhimin e energjisë elektrike përmes Hidrocentralit me kapacitet të instaluar 35 MW duke shpenzuar mesatarisht 4 m³ për prodhimin e 1 kWh energji elektrike, pastaj uji akumulohet në basenin kompenzues në Pridvoricë i cili ka kapacitet prej 480.000 m³.

Nga baseni kompenzues i Pridvoricës uji pjesërisht shkarkohet në lum, me qëllim të ruajtjes të minimumit biologjik dhe sasia tjetër në kanal kryesor me kapacitet fillestar prej 22 m³/sec, në gjatësi prej 50 km, nga ku furnizohen të gjithë shfrytëzuesit si industria, ujësjellësit dhe bujqësia.

Gjatësia e përgjithshme e kanaleve të hapura është 146,6 km ndërsa gjatësia e rrjetit nëntokësor të gypave është 766 km.

Infrastruktura e ndërmarrjes shtrihet në pjesën veriore dhe qendrore të Kosovës ku përfshinë këto komuna: Zubin Potok, Mitrovicë, Vushtrri, Kastriot, Fushë Kosovë, Prishtinë dhe Drenas.

Ndërmarrja NH Ibër Lepenc Sh.a. është e organizuar në dy njësi afariste:

1. Njësia afariste "Uji & Centrali elektrik",
2. Njësia afariste "Ujitja",

2. BAZA E PËRGATITJES SË PASQYRAVE FINANCIARE

2.1 Deklarata e përputhshmërisë

Këto pasqyra financiare janë të përgatitura në përputhje me Standardet Ndërkombëtare të Raportimit Financiar ("IFRS").

2.2 Baza e përgatitjes

Këto pasqyra financiare janë përgatitur sipas parimit të kostos historike përveç rastit të rivlerësimit të aseteve fikse.

2.3 Parimi i vazhdueshmërisë

Këto pasqyra financiare janë përgatitur duke u bazuar në parimin e vazhdueshmërisë. Siç tregohet në pasqyrat financiare, Ndërmarrja ka regjistruar një rezultat neto negativ për vitin që ka përfunduar më 31 Dhjetor 2010 në vlerë prej 2,334 mijë Euro që rezultoi me rritjen e humbjeve të akumuluarra më 31 Dhjetor 2009 në vlerë prej 10,984 mijë Euro në 13,318 mijë Euro më 31 Dhjetor 2010.

2.4 Standardet dhe interpretimet efektive në periudhën e tanishme

Ndryshimet në vazhdim të standardeve ekzistuese të lëshuara nga Bordi i Standardeve Ndërkombëtare të Kontabilitetit dhe interpretimet e lëshuara nga Komisioni Ndërkombëtarë I Interpretimeve të Raportimit Financiar janë në fuqi në periudhën e tanishme:

- **IFRS 8 "Segmentet Operative"** (në fuqi për periudhat vjetore që fillojnë me ose pas datës 1 Janar 2009)
- **Përmirësimet e IFRS 7 "Instrumentet Financiare: Shpalosjet"** - Përmirësimi i shpalosjeve në lidhje me instrumentet financiare (fuqi për fund vitet që fillojnë më/ pas datës 1 Janar 2009),
- **Përmirësimet e IFRS 1 "Adoptimi për herë të parë i IFRS" dhe IAS 27 "Pasqyrat financiare të konsoliduar dhe të veçanta"** - Kostoja e investimit në kompani vartëse, me kontroll të përbashkët apo kompani të ndërlidhura (në fuqi për periudhat vjetore që fillojnë me ose pas datës 1 Janar 2009).
- **Përmirësimet në standarde dhe interpretime të ndryshme që rezultojnë nga projektet vjetore për përmirësimin e kualitetit të IFRS-ve të publikuara më 22 Maj 2008**(IAS 1, IFRS 5, IAS 8, IAS 10, IAS 16, IAS 19, IAS 20, IAS 23, IAS 27, IAS 28, IAS 29, IAS 31, IAS 34, IAS 36, IAS 38, IAS 39, IAS 40, IAS 41) kryesisht me qëllim të largimit të mospërputhjeve dhe për qartësim të shprehjeve të përdorura (shumica e përmirësimeve duhet të aplikohen për periudhat vjetore që fillojnë me ose pas datës 1 Janar 2009),
- **IAS 1 (i korrigjuar) "Prezantimi i pasqyrave financiare"** - Një prezantim i korrigjuar (në fuqi për periudhat vjetore që fillojnë me ose pas datës 1 Janar 2009).
- **IAS 23 (i korrigjuar) "Kostot e Huamarrjeve"** (në fuqi për periudhat vjetore që fillojnë me ose pas datës 1 Janar 2009),
- **Korrigjimet e IFRS 2 "Pagesat me bazë në aksione"** - Kushtet të cilat japin të drejtën dhe heqjen e të drejtës (në fuqi për periudhat vjetore që fillojnë me ose pas datës 1 Janar 2009),
- **Korrigjimet e IFRIC 9 "Rivlerësimi i Derivateve të Padukshme" dhe IAS 39 "Instrumentet Financiare: Njohja dhe Matja"** - Derivateve të Padukshme (në fuqi për periudhat vjetore që fillojnë me ose pas datës 30 Qershor 2009),
- **IFRIC 13 "Programet për Lojalitet ndaj Konsumatorëve"** (në fuqi për periudhat vjetore që fillojnë me ose pas datës 1 Korrik 2008),

2. BAZA E PËRGATITJES SË PASQYRAVE FINANCIARE (VAZHDIM)

2.4 Standardet dhe interpretimet efektive në periudhën e tanishme (vazhdim)

- IFRIC 15 “Marrëveshjet për Ndërtimin e Patundshmërive” (në fuqi për periudhat vjetore që fillojnë me ose pas datës 1 Janar 2009),
- IFRIC 16 “Fiksim të Neto Investimeve në Operacionet e Jashtme” (në fuqi për periudhat vjetore që fillojnë me ose pas datës 1 Tetor 2008),

Adoptimi i këtyre ndryshimeve të standardeve ekzistuese dhe interpretimeve nuk ka çuar në ndryshime të rëndësishme në politikat kontabile të Ndërmarrjes.

2.5 Standardet dhe interpretimet në lëshim që nuk janë efektive

Me datën e autorizimit të këtyre pasqyrave financiare, standardet dhe interpretimet vijuese kanë qenë në lëshim por nuk kanë qenë në fuqi:

- IFRS 9 “Instrumentet Financiare” (në fuqi për periudhat vjetore që fillojnë më ose pas datës 1 Janar 2013),
- Përmirësimet e IAS 24 “ Dhënia e informacioneve shpjeguese për palët e lidhura” Thjeshtimi i kërkesave të shpalosjes për qeverinë- entiteteve të lidhura dhe sqarimi i definicionit për palët e lidhura (në fuqi për periudhat vjetore që fillojnë më ose pas datës 1 Janar 2011).
- Përmirësimet e IAS 32 “Instrumentet Financiare: Prezantimi” - Llogaritja për të drejta në lëshim (në fuqi për periudhat vjetore që fillojnë ose më pas datës 1 Shkurt 2010)
- Përmirësimet e IFRIC 14 “IAS 19 - Kufizimi I definimit të një asemi përfitimi, Kërkesat minimale të financimit dhe bashkëveprimi i tyre ” Parapagimet e një kërkesë minimale të financimit (në fuqi për periudhat vjetore që fillojnë më ose pas datës 1 Janar 2011),
- IFRIC 19 “Shuarja e obligimeve me instrumentet kapitale” (në fuqi për periudhat vjetore që fillojnë ose më pas datës 1 Korrik).

Ndërmarrja ka zgjedhur që të mos adoptoj këto standarde, korrigjime dhe interpretime para datës së hyrjes së tyre në fuqi. Ndërmarrja parashikon që adoptimi i këtyre standardeve, korrigjimeve dhe interpretimeve nuk do të ketë ndikim material në pasqyrat financiare në periudhën e zbatimit të tyre fillestar.

2.6 Valuta e prezantimit

Valuta prezantuese dhe raportuese e Ndërmarrjes është Euro (EUR), ku në përputhje me rregulloret e Bashkimit Monetar Evropian dhe udhëzimeve të lëshuara nga Banka Qendrore e Kosovës, Euro ishte adoptuar si valuta e vetme legale në territorin e Kosovës prej datës 1 Janar 2002.

3. POLITIKAT E RËNDËSISHME TË KONTABILITETIT

3.1 Transaksionet në valutë të huaj

Transaksionet në valutë të huaj përveç Euros regjistrohen sipas kursit të këmbimit në fuqi në datën e transaksionit. Ndryshimet e këmbimit si rezultat i zgjidhjes së transaksioneve në valutë të huaj përveç Euros përfshihen në pasqyrën e të ardhurave duke përdorur kursin e këmbimit i cili është në fuqi në atë datë.

Asetet dhe detyrimet monetare të shndërruara në valuta tjera përveç Euros kthehen në Euro sipas kursit mesatar të këmbimit në treg në datën e bilancit të gjendjes. Fitimet dhe humbjet në valuta të huaja që ndodhin për shkak të këmbimit të aseteve dhe detyrimeve reflektohen në pasqyrën e të ardhurave si diferencë ndërmjet fitimeve dhe humbjeve për shkak të shndërrimit të kursit të këmbimit.

3.2 Prona, impiantet dhe pajisjet

Artikujt e pronës, impianteve dhe pajisjeve me 1 Janar 2008 deklarohen sipas kostos së vlerësuar minus zhvlerësimi i akumuluar dhe dëmtimi, përderisa artikujt e pronës, impianteve dhe pajisjeve të blera pas 1 Janarit 2008 deklarohen sipas kostos minus zhvlerësimi i akumuluar dhe dëmtimi nëse ka pas.

Kostoja e vlerësuar paraqet vlerat fillestare të aseteve të vlerësuara nga Ndërmarrja me ndihmën e një konsulenti të pavarur (PC&A) më 31 Dhjetor 2007.

Kostot pasuese janë të përfshira në vlerën bartëse të aseteve apo njihen si një aset i veçantë, sipas nevojës, vetëm kur besohet që përfitime ekonomike në të ardhmen që lidhen me asetin do të rrjedhin për Ndërmarrjen dhe kostoja e asetit mund të matet me besueshmëri.

Zhvlerësimi i aseteve llogaritet duke përdorur metodën lineare për të shpërndarë koston e tyre ose shumën e rivlerësuar në vlerën e tyre të mbetur gjatë kohëzgjatjes së vlerësuar të përdorimit siç vijon:

Ndërtesat dhe objektet tjera	50 - 100 vite
Makineritë e rënda	10 - 50 vite
Pajisjet dhe inventari tjetër	5 - 10 vite

Vlera e mbetur e aseteve dhe koha e përdorimit rishikohet, dhe korrigohet nëse është nevoja, në secilën datë të bilancit të gjendjes. Vlera e bartur e asetit shlyhet menjëherë në shumën e rikuperueshme nëse vlera e bartur e asetit është më e madhe se shuma e vlerësuar e rikuperueshme.

Fitimet dhe humbjet nga largimi nga përdorimi përcaktohen duke krahasuar të ardhurat me vlerën e bartur. Këto përfshihen në pasqyrën e të ardhurave.

Kompania me politikat e pranuar të kontabilitetit lidhur me rivlerësimin dhe dëmtimin e mjeteve jo financiare kërkon në çdo datë të bilancit të gjendjes që zërat e pronës, impianteve dhe pajisjeve të rivlerësohen dhe rishikohen për dëmtim, kurdoherë që ngjarjet ose ndryshimet në rrethanat tregojnë që vlera bartëse e një mjeti nuk mund të jetë e rikuperueshme. Siç është shpalosur në shënimin 4 të pasqyrave financiare shoqëruese, më 31 Dhjetor 2010 vlera neto bartëse e pronës, impianteve dhe pajisjeve është në vlerë prej 144,294 mijë EUR.

3. POLITIKAT E RËNDËSISHME TË KONTABILITETIT (VAZHDIM)

3.3 Asetet e paprekshme

Asetet e paprekshme përbëhen nga softuerët e licencuar për kompjuterë. Këto fillimisht deklarohen sipas kostos së tyre dhe më pas sipas kostos minus amortizimi i akumuluar dhe humbjet e akumuluar të dëmtimeve, nëse ka pasur. Amortizimi regjistrohet kur këto asete janë në dispozicion për përdorim duke përdorur metodën lineare përderisa kostoja e një asemi të paprekshëm shlyhet përgjatë kohëzgjatjes së vlerësuar të përdorimit.

3.4 Asetet dhe detyrimet financiare

Asetet dhe detyrimet financiare që ndodhen në bilanc të gjendjes përfshijnë paratë e gatshme dhe ekuivalentët e parasë së gatshme, llogaritë e arkëtueshme dhe detyrimet. Politikat e kontabilitetit mbi njohjen dhe matjen e këtyre zërave janë të shpalosura në politikat përkatëse të kontabilitetit që janë të përfshira në këtë shënim. Ndërmarrja i klasifikon instrumentet e saja financiare si asete, detyrime apo ekuitet në përputhje me substancën e marrëveshjes së ndërlidhur kontraktuale. Interesat, fitimet dhe humbjet që lidhen me instrumentet financiare të klasifikuara si asete ose detyrime raportohen si të hyra ose shpenzime, respektivisht. Instrumentet financiare thyhen kur Ndërmarrja ka një të drejtë të zbatuar me ligj për të bërë thyerjen dhe ka për qëllim që ta zgjidh ose në baza neto apo që të realizojë asetin dhe të shlyejë detyrimin njëkohësisht.

3.5 Llogaritë e arkëtueshme tregtare dhe të tjera

Llogaritë e arkëtueshme tregtare njihen sipas vlerës së tyre reale dhe nuk praktikohet provizioni për dëmtimet në llogaritë e arkëtueshme tregtare për shkak që Ndërmarrja nuk do të jetë në gjendje që të mbledh të gjitha shumatat që ia kanë borxh sipas kushteve origjinale të llogarive të arkëtueshme.

3.6 Stoqet

Materialet, pjesët rezervë dhe materiali shpenzues, kryesisht lidhen me hidrocentralin, mirëmbajtjen e kanaleve dhe rrjetit të shpërndarjes së ujit, dhe vlerësohen sipas parimit të çmimit më të ulët ndërmjet kostos dhe vlerës neto të realizueshme. Kostoja përcaktohet duke përdorur metodën FIFO dhe përfshin shpenzimet e shkaktuara në sigurimin e stoqeve dhe sjelljen e tyre në lokacionin dhe konditat ekzistuese. Vlera neto e realizueshme paraqet çmimin e vlerësuar të shitjes në kursin e zakonshëm të biznesit, minus shpenzimet e aplikueshme variable të shitjes. Materialet dhe pjesët rezervë shpenzohen apo kapitalizohen me impiantet, sipas nevojës, kur të instalohen.

3.7 Paratë e gatshme dhe ekuivalentët e parasë së gatshme

Paratë e gatshme dhe ekuivalentët e parasë së gatshme përfshijnë paratë e gatshme në dorë dhe në bankë. Për qëllime të rrjedhës së parasë paratë e gatshme dhe ekuivalentët e parasë së gatshme paraqesin paratë e gatshme në dorë dhe depozitat në banka me periudhë maturimi prej 12 muaj ose më pak.

3.8 Huamarrjet

Huamarrjet paraqesin kreditë që janë marr nga institucionet financiare dhe qeveritare dhe maten sipas vlerës së tyre reale në kohën e njohjes fillestare dhe pas njohjes fillestare sipas kostos së amortizuar duke përdorur metodën e normës efektive të interesit.

3. POLITIKAT E RËNDËSISHME TË KONTABILITETIT (VAZHDIM)

3.9 Kostot e përfitimeve të pensionimit

Ndërmarrja nuk bënë provizionin dhe nuk ka obligim për pensionet e punonjësve përveç atyre të paguara pranë Trustit të Kursimeve Pensionale të Kosovës (TKPK).

3.10 Tatimi

Tatimi jepet në pasqyrat financiare në përputhje me Ligjet tatimore të Kosovës që janë aktualisht në fuqi (Ligji nr. 03/L-162 i datës 29 Dhjetor 2009 "Mbi Tatimin në të Ardhurat e Korporatave".

Ngarkesa për tatimin në të ardhura në pasqyrën e të ardhurave për vitin përmban tatimin aktual në të ardhura. Tatimi aktual llogaritet në bazë të profitit të tatueshëm që pritet për vitin duke përdorur shkallët tatimore në fuqi në datën e bilancit të gjendjes. Profiti i tatueshëm ndryshon nga profiti që raportohet në pasqyrën e të ardhurave për shkak se ai nuk përfshin zërat e të hyrave dhe shpenzimeve që janë të tatueshme apo të zbritshme në vitet tjera dhe më tej ai nuk përfshin zërat që asnjëherë nuk tatimohen ose nuk janë të zbritshëm.

3.11 Njohja e të hyrave

Të hyrat nga shitja e energjisë elektrike dhe ujitë përmbajnë vlerën e faturuar të energjisë elektrike dhe ujitë të dorëzuar. Faturimet për shitjet e energjisë elektrike dhe ujit bëhen çdo muaj, me përjashtim të faturimit të ujitë për ujitje që faturohet një herë në vit.

3.12 Grantet

Grantet nuk njihen derisa të ekzistojë siguri e arsyeshme që Ndërmarrja do të respektojë kushtet e këtyre granteve dhe që ato grante do të pranohen.

Grantet kushti kryesor i të cilave është që Ndërmarrja duhet të blejë, ndërtojë ose në ndonjë mënyrë tjetër të sigurojë asete jo-rrjedhëse njihen si të hyra të shtyra në bilancin e gjendjes dhe transferohen në pasqyrën e të ardhurave në bazë sistematike dhe racional përgjatë kohës së përdorimit të aseteve përkatëse.

3.13 Zotimet dhe kontingjentet

Detyrimet kontingjente nuk njihen në pasqyrat financiare. Një detyrim kontingjent shpalolet në të gjitha rastet përveç rasteve kur mundësia e rrjedhës së burimeve që paraqesin përfitime ekonomike është e largët. Një aset kontingjent nuk njihet në pasqyrat financiare por shpalolet kur rrjedhja e përfitimeve ekonomike është e mundur. Shuma e një humbjeje kontingjente njihet si provizion nëse është e besueshme që ngjarjet në të ardhmen do të konfirmojnë që, një detyrim ka ndodhur deri më datën e bilancit të gjendjes dhe se mund të bëhen një vlerësim i arsyeshëm i shumës së humbjes që pason.

3. POLITIKAT E RËNDËSISHME TË KONTABILITETIT (VAZHDIM)

3.14 Gjykimet kritike në aplikimin e politikave të kontabilitetit të Ndërmarrjes

Në aplikimin e politikave të kontabilitetit, të cilat janë të përshkruara në Shënimin 3, nga menaxhmenti kërkohet që të bëjë gjykime, vlerësime dhe supozime në lidhje me shumat e bartura të aseteve dhe detyrimeve të cilat nuk janë lehtësisht të qarta nga burimet tjera. Vlerësimet dhe supozimet e ndërlidhura janë të bazuara në përvojën historike dhe faktorët tjerë të cilët konsiderohen të jenë relevantë. Rezultatet aktuale mund të jenë të ndryshëm nga këto vlerësime.

3.15 Burimet kryesore të pasigurisë në vlerësim

Supozimet kryesore në lidhje me të ardhmen, dhe burimet tjera kryesore të pasigurisë në vlerësim në datën e bilancit të gjendjes, të cilat paraqesin një rrezik domethënës për të shkakuar korigjime materiale në vlerën e bartur të aseteve dhe detyrimeve brenda vitit financiar vijues, janë diskutuar më poshtë:

Provizioni për llogaritë e arkëtueshme tregtare:

Në rrjedhën normale të biznesit, Ndërmarrja nuk bën vlerësime për kthimin dhe realizimin e llogarive të arkëtueshme. Duke u bazuar në këtë, menaxhmenti nuk regjistron një provizion përkatës për dëmtimin e kërkesave. Rezultatet aktuale mund të jenë të ndryshme nga ato të vlerësuara.

Vlerësimi i rasteve ligjore:

Në rrjedhën normale të biznesit, Ndërmarrja bën një vlerësim për shumat që nevojiten për shlyerjen e rasteve ligjore sipas udhëzimit të këshilltarit ligjor të Ndërmarrjes. Në bazë të këtij vlerësimi, ndërmarrja në përputhje me këtë regjistron provizionin, nëse ka, apo shpalos detyrimin kontingjent. Rezultatet aktuale mund të jenë të ndryshme nga ato të vlerësuara.

Vlerësimi për çështjet ambientale, çaktivizimin dhe çështjet tjera të ndërlidhura
Aktualisht nuk ka asnjë kërkesë detyruese ligjore për mjedisin, çaktivizimin dhe dispozitat tjera të lidhura në Kosovë.

NH IBËR LEPENC SH.A.
Shënimet e pasqyrave financiare për fund vitin 31 Dhjetor 2010

4. PRONA, IMPIANTET DHE PAJISJET

	Objektet ndërtimore (në EUR)	Makineritë e rënda (në EUR)	Pajisjet dhe inventari (në EUR)	Investimet në vijim (në EUR)	Totali (në EUR)
KOSTO/KOSOJA E VLERËSUAR					
Më 1 Janar 2009	271,773,825	4,151,110	7,289,895	-	283,214,830
Shtesat gjatë vitit	1,001,258	-	224,143	-	1,225,401
Shitja, çregjistrimi gjatë vitit	-	-	(199,810)	-	(199,810)
Më 31 Dhjetor 2009	272,775,083	4,151,110	7,314,228	-	284,240,421
Më 1 Janar 2010	272,775,083	4,151,110	7,314,228	-	284,240,421
Shtesat gjatë vitit	462,634	-	107,376	517,994	1,088,004
Shitja, çregjistrimi gjatë vitit	-	-	(10,755)	-	(10,755)
Më 31 Dhjetor 2010	273,237,717	4,151,110	7,410,849	517,994	285,317,670
ZHVLERËSIMI I AKUMULUAR					
Më 1 Janar 2009	123,412,233	2,075,554	6,718,542	-	132,206,329
Amortizimi i vitit	4,298,649	83,022	101,072	-	4,482,743
Shitja, çregjistrimi gjatë vitit	-	-	(171,925)	-	(171,925)
Më 31 Dhjetor 2009	127,710,882	2,158,576	6,647,689	-	136,517,147
Më 1 Janar 2010	127,710,882	2,158,576	6,647,689	-	136,517,147
Amortizimi i vitit	4,317,770	83,022	114,329	-	4,515,121
Shitja, çregjistrimi gjatë vitit	-	-	(9,003)	-	(9,003)
Më 31 Dhjetor 2010	132,028,652	2,241,598	6,753,015	-	141,023,265
VLERA NETO E ASETEVE					
Më 31 Dhjetor 2010	141,209,065	1,909,512	657,834	517,994	144,294,405
Më 31 Dhjetor 2009	145,064,201	1,992,534	666,539	-	147,723,274

5. PARAJA DHE EKVIVALENTËT E PARASË	Më 31 Dhjetor 2010 (në EUR)	Më 31 Dhjetor 2009 (në EUR)
Paraja në arkë	1,666	1,892
Paraja në bankë - në llogaritë rrjedhëse	283,689	776,590
Depozitat afatshkurta	1,500,000	2,000,000
TOTAL PARAJA DHE EKVIVALENTËT E PARASË	1,785,355	2,778,482

6. DEPOZITAT AFATGJATA/INVESTIMET	Më 31 Dhjetor 2010 (në EUR)	Më 31 Dhjetor 2009 (në EUR)
Banka Ekonomike- Kapitali Aksionar	25,000	25,000
Banka për Biznes	1,000,000	-
TOTALI DEPOZITAT AFATGJATA/INVESTIMET	1,025,000	25,000

Depozitat e Kompanisë janë afatgjata dhe afat shkurtra dhe janë me interes prej 6% deri në 6.2%.

7. LLOGARITË E ARKËTUESHME	Më 31 Dhjetor 2010 (në EUR)	Më 31 Dhjetor 2009 (në EUR)
KEK- Shitja e Energjisë Elektrike	977,263	225,707
KUR Mitrovica	543,490	308,875
KEK- Kosova A Shitja e ujit industrial	128,021	128,021
Ujitja- Kooperantët Bujqësorë	92,245	78,853
NEWCO Ferronikeli	50,710	44,596
KEK- Kosova B Shitja e ujit industrial	44,327	478,609
KUR Prishtina	26,529	26,529
NSHP Komunalja	2,463	2,464
GFA Consulting Group	-	1,500
TOTAL LLOGARIT E ARKËTUESHME	1,865,048	1,295,154
Provizioni për borxhet e këqija	-	-
TOTAL LLOGARIT E ARKËTUESHME NETO	1,865,048	1,295,154

Ndërmarrja nuk ka bërë njohjen dhe përlllogaritjen e provizioneve për dëmtimin e llogarive të arkëtueshme për fund vitin 31 Dhjetor 2010.

8. TË ARKËTUESHMET TJERA

	Më 31 Dhjetor 2010 (në EUR)	Më 31 Dhjetor 2009 (në EUR)
Banka Private për Biznes- Interesi i arkëtueshëm	40,667	-
Banka Ekonomike- Interesi i arkëtueshëm	3,106	606
Avance	2,811	-
Kërkesat ndaj punëtorëve	2,452	2,682
TEB Banka- Interesi i arkëtueshëm	-	50,500
Kërkesat tjera	473	433
TOTAL TË ARKËTUESHMET TJERA	49,509	54,221

9. INVENTARI

	Më 31 Dhjetor 2010 (në EUR)	Më 31 Dhjetor 2009 (në EUR)
Depo Komoran	309,885	296,343
Depo Shkabaj	333,948	281,206
Depo Vushtrri	256,591	254,952
Depo Ujman	28,882	28,882
Depo Shkabaj Teknika	12,944	13,064
Depo Drejtori	725	725
TOTAL INVENTARI	942,975	875,172
Provizionet për vlerësimin e inventarit	-	-
VLERA NETO E INVENTARIT	942,975	875,172

10. KAPITALI AKSIONAR

Më 31 Dhjetor 2010 dhe sipas Regjistrimit të Biznesit të lëshuar nga Ministria e Tregtisë dhe Industrisë- Agjensioni i Regjistrimit të Bizneseve në Kosovë më datë 31 Dhjetor 2007 me numër regjistrimi të biznesit 70465157, kapitali i përgjithshëm i regjistruar kap shumën e 25 mijë eurove. Ai përbëhet nga 25 mijë aksione të zakonshme me çmim prej 1 euro për aksion. Aksionari i vetëm i ndërmarrjes është Qeveria e Republikës së Kosovës.

11. REZERVAT E RIVLERËSUARA

Rezervat janë llogaritur në librat e Ndërmarrjes si ndryshim ndërmjet kapitalit aksionar të regjistruar dhe vlerës neto të aseteve të Ndërmarrjes siç ishte përcaktuar nga vlerësimi i pavarur në datën e korporatizimit të saj si SH.A. (1 Janar 2008). Këto rezerva janë larguar në dispozicion të aseteve të lidhura. Më tej këto rezerva nuk janë në dispozicion për shpërndarje të aksionarëve.

12. DETYRIMET TJERA AFATSHKURTA

	Më 31 Dhjetor 2010 (në EUR)	Më 31 Dhjetor 2009 (në EUR)
Tatimi dhe kontributet në paga të pagueshme	54,645	53,322
Tatimi në interes i pagueshëm	17,726	18,459
TVSH-ja e pagueshme	142,921	71,533
Detyrimet tjera	3,624	2,766
TOTAL DETYRIMET TJERA AFATSHKURTA	218,916	146,080

13. TË HYRAT E SHTYRA

	Më 31 Dhjetor 2010 (në EUR)	Më 31 Dhjetor 2009 (në EUR)
Materiali	243,816	252,086
Pajisjet	29,687	42,977
TOTAL TË HYRAT E SHTYEARA NGA DONACIONET	273,503	295,063
Të hyrat e shtyra nga ujitja	597	702
TOTAL TË HYRAT E SHTYRA	274,100	295,765

14. TË HYRAT NGA VEPRIMTARIA

	Fund vitin 31 Dhjetor 2010 (në EUR)	Fund vitin 31 Dhjetor 2009 (në EUR)
Të hyrat nga shitja e energjisë elektrike	3,175,150	2,128,008
Të hyrat nga shitja e ujit industrial	1,147,586	1,137,045
Të hyrat nga shitja e ujit për ujitje	128,462	114,031
TOTAL TË HYRAT NGA VEPRIMTARIA	4,451,198	3,379,084

15. TË HYRAT NGA DONACIONET

	Fund vitin 31 Dhjetor 2010 (në EUR)	Fund vitin 31 Dhjetor 2009 (në EUR)
Shërbimet e Përbashkëta	1,100	1,100
Njësia Teknika	2,400	12,000
Njësia Vushtrri	9,322	9,322
Njësia Shkabaj	6,156	5,485
Njësia Komoran	2,582	4,937
TOTAL TË HYRAT NGA DONACIONET	21,560	32,844

16. SHPENZIMET E PERSONELIT

	Fund vitin 31 Dhjetor 2010 (në EUR)	Fund vitin 31 Dhjetor 2009 (në EUR)
Shpenzimet e pagave dhe mëditjeve	2,184,829	1,739,286
Kontributet Pensionale nga punëdhënësi	257,439	351,148
Shpenzimet e udhëtimeve zyrtare	13,587	0
Shpenzimet shëndetësore	6,258	0
	<u>2,462,113</u>	<u>2,090,434</u>

17. SHPENZIMET TJERA OPERATIVE

	Fund vitin 31 Dhjetor 2010 (në EUR)	Fund vitin 31 Dhjetor 2009 (në EUR)
Shpenzimet për operim të sistemit të gjeneratorëve	114,774	88,938
Shpenzimet e mirëmbajtjes	127,615	112,824
Materiali shpenzues	89,268	37,494
Shpenzimet e energjisë elektrike	101,461	72,702
Shpenzimet e derivateve	40,287	29,593
Shpenzimet e telefonit	17,967	13,885
	<u>491,372</u>	<u>355,436</u>

18. TË HYRAT NGA SHLYERJA E KREDISË

Të hyrat nga shlyerja e kredisë siç është prezantuar më lartë në pasqyrën e të hyrave gjithëpërfshirëse është 753,069 EUR. Këto të hyra rrjedhin nga shlyerja e kredisë së marrë në vitin 2000 bazuar në kontratat me Nr. protokollit 499 dhe 499/1 të datës 18 Dhjetor 2000 të lidhur midis Departamentit të Shërbimeve të Përgjithshme i Administratës së Përkohshme të Kombeve të Bashkuar në Kosovë (UNMIK) dhe NH Ibër Lepenc. Kjo kredi i është lejuar Ndërmarrjes për të kryer riparime dhe mirëmbajtje emergjente të sistemit të ujitjes në Kosovë. Shuma e kredisë së lejuar është 454,789 EUR dhe interesi i kalkuluar nga ana e Ndërmarrjes është 298,280 EUR. Me rastin e korporatizimit me 1 Janar 2008 kjo kredi është bartur si detyrim në Ndërmarrjen aktuale.

Me vendim të Bordit të Drejtorëve të mbajtur me datë 19 Mars 2010, është marrë vendim për shlyerjen e kësaj kredie nga Pasqyrat Financiare, bazuar në rekomandimin e dhënë nga Komisioni i Auditimit të Brendshëm të mbajtur me 3 Mars 2010.

19. SHPENZIMET TJERA

	Fund vitin 31 Dhjetor 2010 (në EUR)	Fund vitin 31 Dhjetor 2009 (në EUR)
Shpenzimet për konsultime dhe trajnime	89,066	33,614
Shpenzimet e materialit të zyrës	57,394	21,174
Shpenzimet e taksave për leje	46,830	11,790
Shpenzimet e tatimit në interes për depozita	15,214	8,213
Shpenzimet e anëtarësisë së sindikatës	9,517	9,340
Shpenzimet e reprezentacionit	9,350	8,593
Shpenzimet e gjyqësore	8,489	6,159
Shpenzimet e për regjistrim të automjeteve	5,158	6,451
Shpenzimet e provizioneve bankare	340	387
Shpenzimet e ndëshkimeve dhe kamatë stafit	173	133
Humbja nga shlyerja e mjeteve themelore	2,426	-
Shpenzimet tjera	-	73,011
	<u>243,957</u>	<u>178,865</u>

20. TATIMI

Sipas Ligjit Nr. 03/L-162 të datës 29 Dhjetor 2009 mbi Tatimin në të Ardhurat e Korporatave, tatimi në të ardhura do të jetë 10% për korporatat që nga data 1 Janar 2010 e më tutje (deri më 31 Dhjetor 2008 ishte 20%).

Humbjet e tatueshme mund të barten përpara për t'u shlyer në shtatë vitet e ardhshme pas vitit në të cilin humbja e tatueshme ishte shkaktuar. Gjatë vitit 2010 dhe viteve paraprake Ndërmarrja ka pësuar humbje të tatueshme. Nuk janë regjistruar provizione për tatime të shtyre mbi humbjet në të kaluarën apo për diferencat kohore për shkak të pasigurisë se kur apo nëse Ndërmarrja do të fillojë të krijojë profite të tatueshme.

21. MENAXHIMI I RREZIKUT FINANCIAR

Rreziku kreditor

Ndërmarrja i nënshtrohet rrezikut kreditor nëpërmjet aktiviteteve të saja të shitjes. Në këtë respekt, rreziku kreditor për Ndërmarrjen buron nga mundësia që palët e ndryshme mund të mos paguajnë obligimet e tyre sipas kontratës. Shuma e ekspozimit kreditor me këtë rast përfaqësohet nga shumat e bartura të aseteve në datën e bilancit të gjendjes. Prandaj, llogaritë e arkëtueshme tregtare monitorohen në baza mujore dhe konsumatorëve u tërhiqet vërejtja me kohë.

Rreziku i tregut

Ndërmarrja nuk është futur në ndonjë transaksion të fiksuar për të mbuluar ekspozimin e saj ndaj lëvizjes së çmimeve që rrjedhin nga operacionet e saj.

Rreziku nga norma e interesit

Rreziku nga norma e interesit përbëhet nga rreziku që vlera e pasqyrave financiare do të luhatet për shkak të ndryshimeve në normat e interesit në treg dhe nga rreziku i ndryshimit ndërmjet maturimit të aseteve që janë me interes dhe maturimit të detyrimeve që janë me interes dhe janë marr për të financuar ato asete. Kohëzgjatja për të cilën norma e interesit në një instrument financiar është fikse tregon se deri në çfarë mase ajo është e ekspozuar ndaj rrezikut nga norma e interesit.

Menaxhmenti beson se Ndërmarrja nuk është e ekspozuar ndaj rrezikut të normës së interesit në pasqyrat e saj financiare.

Rreziku i likuiditetit

Rreziku i likuiditetit reflekton paaftësinë e Ndërmarrjes për të siguruar fonde për të përmbushur angazhimet e saj. Menaxhmenti monitoron drejtpërdrejtë likuiditetin e Ndërmarrjes dhe pozitën e saj të rrjedhës së parasë. Kjo përfshin mirëmbajtjen e indikatorëve të likuiditetit të bilancit të gjendjes, koncentrimin e debitorëve dhe kreditorëve si në terma të përgjithshëm të financimit.

Rreziku nga kursi valutor i këmbimit

Rreziku nga kursi i këmbimit shfaqet kryesisht kur ekzistojnë llogari të arkëtueshme ose të pagueshme për shkak të transaksioneve me ndërmarrje të huaja. Megjithatë, Ndërmarrja nuk është e ekspozuar ndaj ndonjë rreziku domethënës nga kursi i këmbimit për shkak se transaksionet kryhen në Euro.

Vlera reale e instrumenteve financiare

Vlera reale është shuma për të cilën një aset mund të këmbëhet apo një detyrim mund të shlyhen, ndërmjet palëve me vullnet dhe të mirinformuara në një transaksion duar lirë.

Menaxhmenti beson që vlera e bartur e të gjitha aseteve financiare dhe detyrimeve e reflektuar në pasqyrat financiare është e përafërt me vlerën e tyre reale.

22. NGJARJET PASUESE

Menaxhmenti nuk është në dijeni për ngjarje të cilët kanë të ngjarë pas datës së bilancit të gjendjes dhe që mund të kenë ndikim apo kërkojnë shpalosje në pasqyra financiare të Ndërmarrjes me datë 31 Dhjetor 2010.